

- 1. Ministarstvo finansija Kantona Sarajevo, kojeg zastupa Ministar finansija Prof. dr. Jasmin Halebić, ul. Maršala Tita 62., 71000 Sarajevo, ID broj:4200666010004, Depozitni račun: 338-000-22100192-63 kod UniCredit Bank dd Sarajevo, telefon 033/565-005 (u daljem tekstu Naručilac usluga) i**
- 2. Intercons d.o.o. Zenica, UL. Begagića put br. 8, 72000 Zenica, zastupan po Direktor Serdarević Muniru, ID broj: 4218183300008, PDV broj: 218183300008, Transakcijski račun: 154-300-20001447-19 kod Intesa Sanpaolo banke d.d. Sarajevo, Telefon 061/791-150 (u daljem tekstu Pružalac usluga)**

**zaključuju**

**UGOVOR  
O PRUŽANJU USLUGA IZRADE STRUČNOG IZVJEŠTAJA „OCJENA STANJA  
BANKARSKOG TRŽIŠTA U BOSNI I HERCEGOVINI KROZ ANALIZU FINANSIJSKIH  
IZVJEŠTAJA SA ASPEKTA OPTIMALNIH USLOVA ZA ODABIR DEPOZITNE I  
TRANSAKCIJSKIH BANAKA JRT-a“ ZA POTREBE MINISTARSTVA FINANSIJA  
KANTONA SARAJEVO**

**I PREDMET UGOVORA**

**Član 1.**

Predmet ugovora su usluge izrade stručnog izvještaja „Ocjena stanja bankarskog tržišta u Bosni i Hercegovini kroz analizu finansijskih izvještaja sa aspekta optimalnih uslova za odabir depozitne i transakcijskih banaka Jedinstvenog računa trezora Kantona Sarajevo“ za potrebe Ministarstva finansija Kantona Sarajevo.

Ovaj ugovor zaključuje se na osnovu provedenog konkurentskog postupka javne nabavke, objavljenog putem Obavještenja o nabavci: broj 640-7-2-21-3-2/18, objavljenog na Portalu javnih nabavki dana 22.03.2018. godine i Odluke Ministra finansija Kantona Sarajevo o dodjeli ugovora, broj:JN-OI-08-01-14-13653-10/18 od 09.04.2018 godine.

**II OBAVEZE UGOVORNIH STRANA**

**Član 2.**

**Pružalac usluga je obavezan:**

- izraditi stručni izvještaj iz člana 1. ovog ugovora prema svojoj Ponudi,

- predati stručni izvještaj iz člana 1. ovog ugovora Naručiocu usluga, koji treba da sadrži slijedeće elemente: sadržaj, uvod u kojem se definiše cilj i metodologija istraživanja, analitički dio koji će biti osnova za sagledavanje stanja bankarskog tržišta u Bosni i Hercegovini, a imajući u vidu finansijske potrebe i strateška opredjeljenja u Kantonu Sarajevo, kao i utvrđivanje optimalnih uslova poslovnih banaka za pružanje usluga vođenja depozitnog i transakcijskih računa Jedinstvenog računa trezora Kantona Sarajevo (najmanje 4 stranice A4 formata, 12 TNR, 1,15 prored) u analognom obliku (štampano) i u digitalnom obliku (snimljeno na CD-u), sve u 4 (četiri) primjerka.

**Naručilac usluga je obavezan:**

- da obezbjedi sredstva za realizaciju ovog Ugovora u iznosu od 27.500,00 KM (dvadesetsedamhiljadapetstotina konvertibilnih maraka) bez PDV-a,
- Pružaocu usluga platiti na način i pod uslovima kako je to utvrđeno u ovom Ugovoru,
- da izvrši prijem stručnog izvještaja „Ocjena stanja bankarskog tržišta u Bosni i Hercegovini kroz analizu finansijskih izvještaja sa aspekta optimalnih uslova za odabir depozitne i transakcijskih banaka Jedinstvenog računa trezora Kantona Sarajevo“,
- da primi sve fakture koje ispostavi Pružalac usluga i iste ovjeri u smislu potvrđivanja da li je posao u cjelosti ili djelimično obavljen, te ih dostavi na plaćanje.

Naručilac usluga ima pravo da zahtijeva od Pružaoca usluga da ga informiše o svim bitnim detaljima u vezi izvršenja ovog Ugovora.

### III CIJENA I NAČIN PLAĆANJA

#### Član 3.

Ugovorne strane su se saglasile da je cijena za realizaciju predmeta ovog Ugovora:

**Izrada stručnog izvještaja „Ocjena stanja bankarskog tržišta u Bosni i Hercegovini kroz analizu finansijskih izvještaja sa aspekta optimalnih uslova za odabir depozitne i transakcijskih banaka Jedinstvenog računa trezora Kantona Sarajevo“ 27.500,00 KM (dvadesetsedamhiljadapetstotina konvertibilnih maraka) bez PDV-a, a sa uračunatim PDV-om iznosi 32.175,00 KM (tridesetdvijehiljadestosedamdesetpet konvertibilnih maraka).**

Plaćanje cijene će se izvršiti na slijedeći način:

- 40 % - po potpisu Ugovora, dostavi avansnog računa i
- 60 % - po prihvatanju stručnog izvještaja „Ocjena stanja bankarskog tržišta u Bosni i Hercegovini kroz analizu finansijskih izvještaja sa aspekta optimalnih uslova za odabir depozitne i transakcijskih banaka Jedinstvenog računa trezora Kantona Sarajevo“ od strane Naručioca usluga.

Plaćanje će se vršiti u roku od 15 dana od datuma fakture na račun, koji navede Pružalac usluga na svojim fakturama.

Sve fakture će biti adresirane na Primaoca usluga – Ministarstvo finansija Kantona Sarajevo, ul. Maršala Tita br. 62, 71000 Sarajevo.

Naručilac usluga je obavezan da ovjeri fakture koje mu ispostavi Pružalac usluga, u smislu potvrđivanja da je posao – predmet ovog ugovora u cjelosti ili djelimično obavljen, te iste u roku od 8 (osam) dana dostaviti na plaćanje. Ukoliko Naručilac usluga bude imao primjedbi na realizaciju

ovog ugovora od strane Pružaoca usluga i na fakture koje ispostavi Pružalac usluga, o tome će odmah obavjestiti Pružaoca usluga.

Pružalac usluga potvrđuje da prihvata eventualna manja kašnjenja u izvršenju plaćanja, a koja nastanu kao posljedica funkcionisanja platnog prometa Kantona Sarajevo putem Trezora Ministarstva finansija Kantona Sarajevo.

#### **IV ROKOVI**

##### **Član 4.**

Ugovorne strane su se saglasile da je rok za izradu stručnog izvještaja iz člana 1. ovog ugovora 30 (trideset) dana od dana potpisivanja ovog ugovora.

Rok za prihvatanje stručnog izvještaja iz člana 1. ovog ugovora je 10 (deset) dana po predaji.

Rok za izradu eventualnih dopuna i izmjena je 10 (deset) dana po dostavi zahtjeva od strane Naručioca usluga.

Rokovi mogu biti produženi samo uslučajju više sile, opravdanog neispunjenja obaveze jedne od ugovornih strana, to jest na osnovu pismenog dogovora ugovornih strana.

Pod višom silom podrazumjevaju se elementarne nepogode većih razmjera i eventualni društveni poremećaji koji mogu uticati na realizaciju ovog ugovora (demonstracije, nemiri i sl.). Ugovorne strane moraju pismeno konstatovati da su nastupili uvjeti koje smatraju višom silom ili objektivnim okolnostima, te se u tom slučaju rok produžava za onoliko dana koliko su trajali uvjeti više sile ili objektivnih okolnosti.

#### **V KAZNE NE ODREDBE**

##### **Član 5.**

Svaka od ugovornih strana je saglasna da naknadi štetu nastalu drugoj ugovornoj strani ili licima izvan ovog ugovora, ukoliko do štete dođe njenom krivicom odnosno činjenjem ili nečinjenjem i propuštanjem rokova utvrđenih u ovom ugovoru.

Visina naknade za pričinjenu eventualnu štetu utvrdiće se po pravilima za naknadu štete važećeg Zakona o obligacionim odnosima.

#### **VI OSTALE ODREDBE KOJIMA SE REGULIŠU MEĐUSOBNI ODNOSI**

##### **Član 6.**

Naručiocu usluga pripadaju sva prava u pogledu korištenja, svojine i upotrebe stručnog izvještaja „Ocjena stanja bankarskog tržišta u Bosni i Hercegovini kroz analizu finansijskih izvještaja sa aspekta optimalnih uslova za odabir depozitne i transakcijskih banaka Jedinstvenog računa trezora Kantona Sarajevo“ i podataka koje sadrži navedeni stručni izvještaj, bez bilo kakvih ograničenja od strane Pružaoca usluga.

## VII ZAVRŠNE ODREDBE

### Član 7.

Sve eventualne sporove ugovorne strane će nastojati riješiti sporazumno, a ukoliko se sporazum ne postigne, spor će se riješiti pred stvarno nadležnim sudom u Sarajevu.

Sastavni dio ovog ugovora čini:

1. Obrazac za cijenu ponude – usluge kao Aneks 3 Ponude ponuđača INTERCONS d.o.o. Zenica, broj:16/2018 od 03.04.2018. godine, protokolisanaj na Protokolu Kantona Sarajevo pod brojem:08-14-16839/18 od 03.04.2018. godine.

Na tumačenje odredbi ovog ugovora primjenjivaće se važeći Zakon o obligacionim odnosima.

## VIII PRIMJERCI UGOVORA

### Član 8.

Ovaj Ugovor sačinjen je u 4 (četiri) istovjetna primjerka, od kojih po 2 (dva) dobija svaka ugovorna strana.

Pružalac usluga:  
**INTERCONS D.O.O. ZENICA**

\_\_\_\_\_  
**Direktor Munir Serdarević**

**Broj: 15/18**

**Sarajevo, 20.04.2018. godine**

Naručilac usluga:  
**MINISTARSTVO FINANSIJA  
KANTONA SARAJEVO**

\_\_\_\_\_  
**Prof. dr. Jasmin Halebić**

**Broj:08-01-14-13653/18**

**Sarajevo,17.04. 2018. godine**